

**VRHOVNI SUD
FEDERACIJE BOSNE I HERCEGOVINE
KOMISIJA ZA JAVNE NABAVKE
Broj:070-0-Su-22-000790
Sarajevo, 23.11.2022. godine**

Na osnovu člana 69. stav (2) tačka (a), člana 70. stav (4) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 31. Pravilnika o nabavci roba, vršenju usluga i ustupanju radova Vrhovnog suda Federacije BiH, a na preporuku Komisije za provođenje postupka javne nabavke robe – namještaja za potrebe Vrhovnog suda Federacije BiH putem konkurentskog zahtjeva, predsjednica Vrhovnog suda Federacije BiH donosi:

ODLUKU

o poništenju postupka javne nabavke robe – namještaja za potrebe Vrhovnog suda Federacije BiH

I

Poništava se postupak konkurentskog zahtjeva za javnu nabavku roba – namještaja za potrebe Vrhovnog suda Federacije BiH, za koji je obavještenje na portalu javnih nabavki BiH objavljeno dana 10.11.2022. godine, broj obavještenja 751-7-1-51-3-7/22 iz razloga što u određenom krajnjem roku nije dostavljena nijedna ponuda.

II

Ova odluka će se objaviti na web stranici Vrhovnog suda Federacije BiH.

III

Ova odluka stupa na snagu danom donošenja.

Obrazloženje

Odlukom predsjednice suda broj: 070-0-Su-22-000790 od 24.10.2022. godine pokrenut je postupak konkurentskog zahtjeva za javnu nabavku roba – namještaja za potrebe Vrhovnog suda Federacije BiH putem konkurentskog zahtjeva za dostavljanje ponuda. Procijenjena vrijednost postupka konkurentskog zahtjeva iznosi 17.000,00 KM sa PDV-om.


Dana 10.11.2022. godine na portalu je objavljeno obavještenje o javnoj nabavci predmetnih roba – namještaja broj obavještenja 751-7-1-51-3-7/22.

Nakon završetka roka za dostavljanje ponuda (u skladu s objavljenim obavještenjem o nabavci na Portalu Javnih nabavki broj: 751-7-1-51-3-7/22), javno otvaranje ponuda je izvršeno od strane komisije za javne nabavke dana 22.11.2022. godine u 10:00 sati, te je tom prilikom konstatovano da do vremena otvaranje ponuda u ostavljenom roku nije dostavljena nijedna ponuda.

Slijedom navedenog, komisija za javne nabavke je predsjednici Vrhovnog suda FBiH dostavila preporuku od dana 23.11.2022. godine da donese odluku o poništenju postupka javne nabavke, u skladu sa odredbom člana 69. stav (2) tačka a) Zakona o javnim nabavkama.

Nakon razmatranja dostavljene preporuke predsjednica Vrhovnog suda FBiH nije našla razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučeno kao u dispozitivu.

Ova odluka će se u skladu sa odredbom člana 70. stav (6) Zakona o javnim nabavkama objaviti na web stranici Vrhovnog suda FBiH.



**Predsjednica
Vrhovnog suda FBiH
Vesna Stanković Čosović**